





第三九三冊

四庫全書

●上海古籍出版社

本冊目次

四庫全書

欽定續通志(二)

清
曹
仁
虎
等
奉
敕
撰
……一

第三卷二冊

欽定四庫全書

史部

欽定續通志卷五十八

主事 臣尹壯圖覆勘

總校官原任侍講臣王燕緒

欽定四庫全書

欽定續通志卷五十八

元紀二

太祖

太宗 定宗

憲宗

太祖皇帝諱特穆津姓却特氏蒙古部人其先世有曰
托本默爾根妻曰阿倫果幹生二子長曰布固哈塔吉
次曰博克多薩勒濟國既曰托本默爾根死阿倫果幹
寡居夜寢帳中夢白光自天窻中入化為金色神人阿
欽定四庫全書

欽定續通志
卷五十八

倫果幹驚覺遂有娠產一子曰勃端察爾勃端察爾狀
貌奇異沈默寡言家人謂之癡獨阿倫果幹語人曰此
兒非癡後世子孫必有大貴者阿倫果幹歿諸兄分貲
財不及勃端察爾勃端察爾曰貧賤富貴命也貲財何
足道獨乘青白馬獵禽兔以食至巴爾圖敖拉之地居
焉居數月有民數十家自騰格哩呼刺之野逐水草來
遷勃端察爾結茅與之居出入相資一日仲兄忽思之
曰勃端察爾獨出而無齎得無凍餒乎即走訪得之邀

欽定四庫全書

欽定四庫全書

二

與俱歸勃端察爾中路謂其兄曰騰格哩呼刺之民無所屬附若臨之以兵可服也兄以為然至家即選壯士令勃端察爾帥之前行果盡降之勃端察爾歿于巴噶哩台哈必齊嗣生子曰瑪哈多丹瑪哈多丹妻曰摩納倫生七子而寡摩納倫性剛急時雅賚爾部有羣小兒掘田間草根以為食摩納倫乘車出適見之怒曰此田乃我子馳馬之所羣兒輒敢壞之耶驛車徑過之輾傷諸兒有至死者雅賚爾忿怒盡驅摩納倫馬羣以去摩納倫諸子聞之不及被甲往追之為所敗六子皆死雅賚爾乘勝殺摩納倫滅其家惟一孫海都尚幼海都者摩納倫長孫也乳母匿諸積木中得免先是摩納倫第七子納沁於巴喇呼民家為贅婿聞其家被禍奔視之見病嫗十數與海都尚在適有兄所乘黃馬繫套牽逸歸納沁乘之乃偽為牧馬者詣雅賚爾路逢父子二騎先後行臂鷹而獵納沁識其鷹曰此吾兄所擊鷹也趨前以計紿之轉一河限遂刺殺之繫馬與鷹趨迎後騎給

欽定四庫全書

欽定四庫全書

三

之如初復乘隙刺殺之前行至一山下有馬數百牧者童子數人方擊毬石為戲納沁熱視之亦兄家物也盡殺童子驅馬臂鷹而還取海都并病嫗歸已喇呼之地止馬海都稍長納沁率巴喇呼齊格諸民共立為君以兵攻雅賚爾臣屬之形勢震大列營帳於巴喇噶沁河上跨河為梁以便往來由是四傍部族歸之者漸衆海都歿于拜星呼爾嗣拜星呼爾歿于敦巴噶嗣敦巴噶歿于噶布勒汗嗣噶布勒汗歿于巴爾達木嗣巴爾達木歿于伊蘇克依嗣并吞諸部落勢愈盛大伊蘇克依崩至元三年十月追謚烈祖神元皇帝是為元之始祖初烈祖征塔塔爾部獲其部長特穆津宣懿太后諤楞適生帝手握凝血如赤石烈祖異之因以所獲特穆津名之志武功也族人秦楚特部舊與烈祖相善後生嫌隙絕不與通及烈祖崩帝方幼冲部衆多歸秦楚特近侍有托端呼爾察者亦將叛帝自泣留之托端呼爾察竟帥衆馳去宣懿太后怒其弱已也麾旗將兵身自追

叛者驅其大半而還時帝麾下綽奇別居薩里河而札木哈克部人托台奇爾者居伊魯格勒泉時欲相侵凌掠薩里河牧馬以去綽奇麾下右匪羣馬中射殺托台奇爾札木哈克以為怨遂與泰楚特諸部合謀以衆三萬來戰帝時駐軍都爾本兆蘇之野聞變大集諸部兵分十有三翼以俟已而札木哈克至帝與大戰破走之當是時諸部之中惟泰楚特最強其族昭盟部與帝所居相近帝常出獵偶與昭盟獵騎相屬邀與同宿凡其留者悉飲食之明日再合圍帝使左右驅獸向昭盟昭盟得多獲以歸其衆感之私相語曰泰楚特與我雖兄弟常懷我車馬奪我飲食有人君之度者其惟特穆津太子乎昭盟之長裕勒時為泰楚特所虐不能堪遂與塔海達魯領所部來歸請殺泰楚特以自效帝曰我方熟寐幸汝覺我已而二人復叛去塔海達魯至中路為泰楚特部人所殺昭盟部遂亡時帝功德日盛泰楚特諸部多苦其主非法見帝寬仁時賜人以裘馬心悅之

遂稍稍來降會塔塔爾部長摩古津掃哩圖背金約金主遣丞相完顏襄帥兵逐之北走帝聞之發近兵自鄂諾河迎擊按金史完顏襄傳未載此事惟續通鑑綱目載金以滅塔塔爾功封元祖為綽爾圖殺摩古津掃哩圖盡虜其輜重克呼部扎寔甘布來歸扎寔甘布者部長王汗之弟也王汗名托里受金封爵為王審言音重故稱王為王汗初托里之父呼爾察和斯必瑠既卒托里嗣位多殺戮昆弟其叔父珠爾帥兵與托里戰托里大敗以百餘騎脫走奔於烈祖烈祖親為帥兵逐珠爾走西夏復奪部衆歸托里托里德之遂相與盟稱為諸達烈祖崩托里之弟額爾克哈喇忽托里多殺之故復叛歸泰曼部泰曼部長伊納克齊為發兵伐托里盡奪其部衆與之托里走河西回鶻回回三國奔契丹既而復叛歸中道糧絕帝以其與烈祖交好遣近侍往招之親迎撫勞安置軍中振給之為伐默爾奇斯部取其貨財田禾以遺托里托里因此部衆稍集居亡何托里自率兵復攻默爾奇斯部大掠而還於帝一

欽定四庫全書

欽定四庫全書

六

無所遺會奈曼部長博囉汗不服帝復與托里征之至克寶克巴克實之野會日暮各按營壘約明日赴敵托里乘夜多燃火營中示人不疑潛移部衆於別所及旦帝始知之因頗疑其有異志退師薩里河既而托里亦還至圖喇河托里子伊勒哈及札寔甘布來會奈曼將齊蘇等察知之乘其不備襲虜其部衆於道伊勒哈奔告托里托里命伊勒哈與布爾古特共追之且遣使來曰奈曼不道掠我人民太子有四良將能假我以雪恥

乎帝遂遣博爾濟穆呼哩博囉罕齊拉袞四人帥師以

往師未至伊勒哈已追及齊蘇與之戰大敗布爾古特

被擒伊勒哈馬中流矢幾為所獲須臾四將至擊奈曼

走盡奪所掠歸托里已而與皇弟按皇弟元史作皇帝考元世宗哈札爾

非烈祖之後然元祖嘗美諸昆弟云哈札爾之射取天下足矣據此則為兄弟行無疑而帝弟音同道至沿悞於名義亦未合謹改哈札爾再伐奈曼與戰於和倫扎色山大敗

之盡殺其諸將族衆積尸以為京觀奈曼之勢遂弱帝

欲為長子卓沁求婚於托里女趙爾必濟托里之子托

欽定四庫全書

欽定四庫全書

七

斯和亦欲尚帝女浩沁必濟俱不諧自是頗有違言初帝與托里合軍攻奈曼也扎木哈克起兵援奈曼未及而奈曼敗乃欲帝與托里有隙言於托里曰我於君是白翎雀他人鴻鴈耳白翎雀者寒暑常在北方鴻鴈遇寒則南飛就暖意謂帝心不可保也托里聞之疑遂移部衆於別所及議婚不成扎木哈克復乘隙謂伊勒哈曰太子嘗通信於奈曼將不利於君父子君若能加兵我當從傍助君也伊勒哈信之遣使言於托里托里不

聽伊勒哈力言之使者往還數四托里曰吾身之存實

太子是賴汝善自為之母貽吾憂可也扎木哈克遂縱

火焚帝牧地而去歲癸亥按癸亥元史作癸丑故是年為金事宗泰和三年越二年

而元太祖稱帝是為丙寅此下為丙寅甲子歲乙丑與元年丙寅相接此為癸亥之悞無疑謹改托里

父子謀欲害帝乃遣使者來曰向者所議姻事今當相

從請來飲布琿察爾布琿察爾猶言許親酒也帝以為

然率十騎赴之至中道心動命一騎往謝帝遂還托里謀既不成即議舉兵來侵圍人齊哩克齊聞其事密與

弟已達告帝帝即馳軍阿蘭塞悉移輜重於他所

親征記作

移輜重於錫勒津河遣哲哩默為前鋒與托里兵遇敗之伊勒哈

將勁騎直前衝突射之中頰即斂兵而退奇味部人遂

棄托里來降托里既敗而歸帝亦將兵還至棟格澤駐

軍遣阿里哈往責托里曰君為叔父珠爾所逐因迫來

歸我父即攻珠爾敗之於河西其土地人民盡收於君

此大有功於君一也君為泰曼所攻西奔日沒處君弟

扎寔甘布在金境我亟遣人名還比至又為默爾奇斯

欽定四庫全書

部人所逼我請我兄色辰伯奇及我弟色辰岱酬往殺

之此大有功於君二也君困迫來歸時我過哈達拉歷

取諸部羊馬貨財盡以奉君不半月間饑者飽瘠者肥

此大有功於君三也君不告我往掠默爾奇斯部大獲

而還未嘗以毫髮分我及君為泰曼所傾覆我遣四將

奪還爾民人重立爾國家此大有功於君四也我征都

爾本塔塔爾哈塔錦薩勒珠特鴻吉哩五部如海東驚

禽之於鵠鴈見無不獲獲則必致於君此大有功於君

五也今乃易恩為讐而遽加兵於我哉遂進兵至班珠

爾河河水方渾帝飲之以普樂凡與飲河水者謂之飲

渾水言其曾同艱難也時托里形勢盛強眾頗危懼帝

與戰於哈喇克沁沙圖之地托里敗走路逢泰曼部將

遂為其所殺伊勒哈走至龜茲國龜茲國主亦以兵討

殺之帝既滅托里大獵於特默格川宣布號令振凱而

歸時泰曼部長迪延汗心忌帝能遣使謀於巴達勒達

部主阿嚕哈斯曰吾聞東方有稱帝者天無二日民豈

欽定四庫全書

有二王耶君能益吾右翼吾將奪其弧矢也阿嚕哈斯

即以是謀報帝舉部來歸歲甲子帝大會於特默格川

議伐泰曼羣臣以方春馬瘦宜俟秋高為言皇弟

按皇史作皇帝考世系表郭齊錦為烈祖第四子太祖弟也

當時國俗有大皇帝二皇帝之稱或修史者遂沿其誤耳然名義未合謹據表改郭齊錦曰事所當為斷之在早何可以馬

瘦為辭帝悅遂進兵伐之駐兵於沁達罕山先遣呼必

哩哲伯二人為前鋒迪延汗至自阿勒台營於杭愛山

與默爾奇斯部長托克托克呼部部長阿林台寔衛喇特

部長呼圖克伯奇暨都爾本塔塔爾哈塔錦薩勒珠特諸部合兵勢頗盛時營中馬有轍入奈曼營者迪延汗見之與衆謀曰蒙古之馬瘦弱如此今當誘其深入然後戰而擒之其將呼魯蘇伯奇對曰先王戰伐勇進不回馬尾人背不使敵人見之今為此遲延之計得非怯乎迪延汗怒即躍馬索戰帝以哈扎爾主中軍時扎木哈克從迪延汗來見帝軍容整肅遁去帝與奈曼軍大戰至補禽殺迪延汗諸部軍一時皆潰餘衆悉降先是

欽定四庫全書

欽定四庫全書

十

蒙古居烏桓之北與奈曼回鶻接壤世修貢於遼金號微弱至是滅克哱降奈曼兼收都爾本塔塔爾哈塔錦薩勒珠特四部駸駸乎稱雄矣歲乙丑帝征西夏拔拉吉哩寨經羅索城而還

元年丙寅帝大會諸王羣臣建九斿白旗即皇帝位於鄂諾河之源諸王羣臣共上尊號曰青吉斯皇帝是歲實宋寧宗開禧二年金章宗泰和六年也帝既即位遂發兵復征奈曼時博羅汗獵於烏爾圖山禽之以歸迪

延汗子庫楚類汗與托克托奔鵠爾達實河上帝始議伐金初金殺帝宗親罕布海汗帝思欲報之會金降俘等具言金主璟肆行暴虐乃定議致討

二年丁卯秋再征西夏尅衛喇喀城是歲遣阿勒坦保刺二人使奇爾濟蘇既而伊德爾訥呼部阿勒達爾部皆通使來獻名鷹

三年戊辰春帝至自西夏夏避暑龍庭冬再征托克托及庫楚類汗時衛刺特部等遇我前鋒不戰而降因用

欽定四庫全書

欽定四庫全書

十一

為向導至雅爾達實河討默爾奇斯部滅之托克托中流矢死庫楚類汗奔契丹

四年己巳春輝和爾國來歸按親征記云國主伊都呼達官來議和時默爾奇斯

托克托子呼圖克齊拉裏瑪刺勒圖沙干四人取托克托首奔輝和爾伊都呼坦之與戰於烏河達使來告尋

貢珍寶

帝入河西夏主李安金遣其世子率師來戰敗

之獲其副元帥高令公尅烏梁海城俘其太傅西壁氏進至克夷門復敗夏師獲其將威明令公薄中興府引河水灌之堤決水外潰遂撤圍還遣太傅額特入中興

府招諭夏主夏主納女請和

五年庚午春金謀來伐寨烏沙堡帝命哲伯襲殺其衆遂畧地而東初帝貢歲幣於金金主使衛王允濟受之

於靜州帝見允濟不為禮允濟歸欲請兵攻之會金主

璟殂允濟嗣位

按太祖即位在全章宗泰和六年衛王嗣位當在太祖四年此叙於五年蓋追

述有詔至國傳言當拜受帝問金使曰新君為誰金使

曰衛王也帝遽南面唾曰我謂中原皇帝是天上人做

此等庸懦亦為之耶何以拜為即乘馬北去允濟聞之

欽定四庫全書

欽定四庫全書

主

益怒欲俟帝再入貢就進場害之帝知之遂與金絕益

嚴兵為備

六年辛未春帝居吉魯爾河西域哈喇庫部主阿爾斯

蘭汗來降二月帝自將南伐

按太祖起兵伐金衛紹王紀載在大安三年四月此

作二月後

敗金將達實於野狐嶺取大水漂豐利等縣

金復築烏沙堡秋七月命哲伯攻烏沙堡及烏月營拔

之八月帝及金師戰於宣平之會河川敗之閏九月

按元

史無閏字據續通鑑綱目增

拔德興府居庸關守將遁去哲伯遂入

關抵中都冬十月襲金庫牧監驅其馬而還以皇子卓

沁察罕台烏格台分徇雲內東勝武朔等州下之是冬

駐蹕金之北境劉伯林兀爾佳常格等來降

七年壬申春正月故遼人耶律瑠格聚衆於隆安自為

都元帥遣使來附帝破昌桓撫等州金將赫舍哩糾堅

等率兵三十萬來援帝與戰於獲兒背大敗之

按獲兒背之戰

金史衛紹王紀未載續通鑑綱目載在嘉定四年閏九月蓋太祖之六年也

秋圍西京金元

帥左都監鄂屯襄率師來援帝遣兵誘至密谷口逆擊

欽定四庫全書

欽定四庫全書

主

之盡殲復攻西京不克九月察罕克來聖州冬十二月

甲申哲伯克東京

八年癸酉春耶律瑠格自立為遼王改元統秋七月

帝克宣德府遂攻德興府拔之進至懷來與金行省完

顏綱元帥高琪戰敗之追至北口金兵保居庸詔克特

卜齊守之遂趨涿鹿金西京留守呼沙呼遁去帝出紫

荊關敗金師於五回嶺拔涿易二州契丹烏蘭巴爾等

獻北口哲伯遂取居庸與克特卜齊會八月金呼沙呼

弑其主允濟迎豐王珣立之是秋分兵三道命皇子卓
沁察罕台烏格台為右軍循太行而南取保遂安肅安
定邢洺磁相衛輝懷孟掠澤潞遼沁平陽太原吉陽拔
汾石嵐忻代武等州而還皇弟哈扎爾及旺沁諾延卓
齊特博恰為左軍遵海而東取薊州平灤遼西諸郡而
還帝與皇子圖類為中軍取雄霸莫安河間滄景獻深
祁蠡冀思濮開滑博濟泰安濟南濱棣益都緇維登萊
沂等郡復命穆呼哩攻密州屠之史天倪蕭伯特率眾
來降穆呼哩承制並以為萬戶帝至中都三道兵俱會
是歲河北郡縣盡拔惟中都通順真定清沃大名東平
德邳海州十一城不下

欽定四庫全書

欽定四庫全書

十六

九年甲戌春三月駐蹕中都北郊諸將請乘勝破燕帝
不從乃遣使諭金主曰汝山東河北郡縣悉為我有汝
所守惟燕京耳天既弱汝我復迫汝於險天其謂我何
我今還軍汝不能犒師以弭我諸將之怒耶金主遂遣
使求和奉衛紹王女岐國公主及金帛童男女五百馬

三千以獻仍遣其丞相完顏福興送帝出居庸夏五月
金主遷汴以完顏福興及參政穆延盡忠輔其太子守
忠留守中都六月金紇軍卓多等殺其主帥率眾來降
帝怒金主南還遂詔薩木哈舒穆魯明安與卓多等圍
中都帝避暑魚兒灤秋七月金太子守忠奔於汴冬十
月穆呼哩征遼東高州盧琮金扑等降錦州張鯨殺其
節度使自立為臨海王遣使來降

欽定四庫全書

欽定四庫全書

十七

十年乙亥春正月金右副元帥富察齊錦以通州降二
月穆呼哩攻北京金元帥音達琿以城降以為留守烏
葉爾權兵馬都元帥鎮之興中府元帥石天應來降
達琿石天應來降諸通鑑綱目俱作上年事以為興中府尹三月金御史中
丞李英等率師援中都戰於霸州敗之夏四月克清順
二州詔張鯨總北京十提控兵從南征鯨謀叛伏誅鯨
弟致遠據錦州僭號漢興皇帝改元興龍五月庚申金
中都留守完顏福興仰藥死穆延盡忠棄城走明安入
守之是月帝避暑桓州涼涇遣呼圖克等籍中都帑藏

秋七月紅羅山寨主杜秀降以為錦州節度使遣伊奇哩往諭金主以河北山東未下諸城來獻及去帝號為河南王當為罷兵金主不從詔史天倪南征授右副都元帥賜金虎符八月天倪取平州金經畧使奇珠降穆呼哩遣史進道等攻廣寧府降之是秋取城邑凡八百六十有二冬十月金宣撫布希萬努據遼東僭稱天王國號大真改元天泰十一月耶律瑠格來朝以其子錫沙入侍史天祥克興州擒其節度使趙守玉

欽定四庫全書

欽定四庫全書

十一

十一年丙子春帝還臚胸河

按臚胸河在楊林戌西北今名克魯倫河源出克特

山南明成祖北征駐師於此改名克魯倫河源出克特明一統志及明史元史作臚胸誤謹據改行宮張致陷

興中府穆呼哩討平之秋錫里濟額特薩木哈巴圖爾率師由西夏趨關中遂越潼關獲金西安軍節度使尼瑪哈富勒呼拔汝州等郡抵汴京而還冬十月布希萬努降以其子特格入侍既而復叛僭稱東夏

十二年丁丑夏盜祁和尚據武平史天祥討平之遂擒金將業元帥以獻察罕破金監軍等兵於朔州金使求

和察罕乃還秋八月以穆呼哩為太師封國王將蒙古紮漢諸軍南征拔遂城肅州冬克大名府遂東定益都淄登萊濰密等州是歲圖們部民叛命布琳都爾伯討平之

十三年戊寅秋八月兵出紫荆口獲金行元帥事張柔命還其舊職穆呼哩自西京入河東克太原平陽及忻代澤潞汾霍等州金將武仙攻滿城張柔擊敗之是年伐西夏圍其王城夏主李遵瑄出走西涼契丹祿格據

欽定四庫全書

欽定四庫全書

十一

高麗江東城命浩沁扎拉率師平之高麗王職遂降請歲貢方物

十四年己卯春張柔敗武仙降祁陽曲陽中山等城夏六月帝率師征西域取鄂托剌爾城擒其酋哈濟爾濟蘭圖秋穆呼哩克奇嵐吉陽等州進攻絳州拔之十五年庚辰春三月帝克布哈城夏五月克塔什干城駐蹕葉實勒提斯河秋攻鄂托羅爾城克之穆呼哩徇地至真定武仙出降以史天倪為河北西路兵馬都元

帥行府事仙副之東平嚴實以彰德大名磁沼恩博滑
濟等州來歸穆呼哩承制授實金紫光祿大夫行尚書
省事冬金邢州節度使武貴降穆呼哩攻東平不克留
嚴實守之撤圍趨洺州分兵徇河北諸郡

十六年辛巳春帝攻布哈爾賽瑪爾堪等城皇子卓沁
攻安集延巴爾昌等城並下之夏四月駐蹕鐵門關金
主遣烏克遜仲端奉國書請和稱帝為元不允金東平
行省事孟古毒城適嚴實入守之宋遣苟夢玉來請和

欽定四庫全書

欽定四庫全書

卷五十七

六月宋遼水忠義統轄石珪率衆來降

宋史寧宗紀
嘉定十三年十

二月遼水忠義軍統轄石珪叛宋嘉定十三年庚辰
為元太祖十五年此書在十六年六月與宋史異

為濟兗單三州總管秋帝攻巴喇哈等城皇子卓沁察

罕台烏格台分攻王隆哈什等城下之冬十月皇子圖

類克瑪勒齊里克瑪勒齊阿喇斯等城穆呼哩出河西

克陵綏德保安廊坊丹等州進攻延安不克十一月宋

京東安撫使張琳以京東諸郡來降

宋史作
張林

以為滄景

濱棣等州行都元帥

十七年壬午春皇子圖類克圖舍尼綽爾等城還經穆

壘國大掠之渡楚楚拉河克伊拉等城遂與帝會合兵

攻塔爾哈寨拔之穆呼哩軍克乾涇邠原等州攻鳳翔

不克夏帝避暑塔爾哈寨西城主扎拉鼎出奔與瑪里

克汗合呼圖克與戰不利帝自將擊之擒瑪里克汗扎

拉鼎遁去秋金復遣烏克遜仲端來請和見帝於回鶻

國帝謂曰我向欲汝主授我河朔地今汝主為河南王

彼此罷兵汝主不從今已盡取之乃始來請耶仲端固

欽定四庫全書

欽定四庫全書

卷五十七

以請帝曰念汝遠來河朔既為我有關西數城未下者

其割付我今汝主為河南王勿復違也金平陽公胡天

作

宋史金史傳明
天作字景山
元史紀謀作天祥今改

以青龍堡降冬十月金河

中府來附以石天應為兵馬都元帥守之

十八年癸未春三月太師國王穆呼哩薨夏帝避暑帕

爾滿川皇子卓沁察罕台烏格台及巴拉之兵來會遂

定西域諸城置達嚕噶齊監治之冬十月金主珣殂子

守緒立是歲宋復遣苟夢玉來

十九年甲申夏宋大名總管彭義斌侵河北史天倪與戰於恩州敗之是歲帝至東印度國以角端見班師二十年乙酉春正月帝還行宮二月武仙以真定叛殺史天倪董俊判官李全亦以中山叛三月史天澤擊仙走之復真定夏六月宋彭義斌以兵應仙天澤禦於贊皇擒斬之

二十一年丙戌春正月帝以西夏納仇人寔勒噶克繼昆及不遣質子自將伐之二月取黑水等城夏避暑於欽定四庫全書

欽定四庫全書

卷五十七

五

琿楚山取甘肅等州秋取西京府朔羅河羅等縣遂踰沙陀至黃河九度取應里等縣九月李全執張琳郡王岱遜進兵圍全於益都冬十一月庚申帝攻靈州夏遣威明令公來援丙寅帝渡河擊夏師敗之丁丑駐蹕鹽州川十二月李全降授張柔行軍千戶保州等處都元帥是歲皇子烏格台及察罕之師圍金南京遣唐慶貴歲幣於金

二十二年丁亥春帝留兵攻夏王城自率師渡河攻積

石州二月破臨洮府三月破洮河西寧二州遣旺沁諾延政信都府拔之夏四月帝次龍德拔德順等州五月遣唐慶等使於金閏月避暑六盤山六月金遣完顏哈昭鄂屯阿古來請和帝謂羣臣曰朕自去冬已嘗許不殺掠遽忘下詔耶今可布告中外令彼行人亦知朕意是月夏主李睨降執之以歸還滅夏帝次清水縣西江

秋七月壬午不豫己丑崩於薩里川哈喇圖之行宮臨崩謂左右曰金精兵在潼關南據連山北限大河難以欽定四庫全書

欽定四庫全書

卷五十八

五

遽破若假道於宋宋金世讐必能許我則下兵唐鄧直擣大梁金急必徵兵潼關然以數萬之衆千里赴援人馬疲弊雖至弗能戰破之必矣言訖而崩後卒如帝言年六十六葬起輦谷追諡曰聖武皇帝加諡法天啟運聖武皇帝廟號太祖在位二十二年帝深沈有大畧善用兵故能滅國四十遂平西夏其奇勲偉跡甚衆惜乎當時史官不備多失於記載云

戊子皇子圖類監國

太宗皇帝諱烏格台太祖第三子也母光獻皇后鴻吉哩氏太祖伐金定西域帝攻城掠地之功居多太祖崩自和博之地來會喪

元年己丑夏至國爾班蘇巴克之地監國圖類來見秋八月己未諸王羣臣大會於吉魯爾河齊達勒教拉之地以太祖遺詔即皇帝位於奎騰阿剌勒始立朝儀皇族尊屬皆拜頌大扎薩克金遣阿固岱來歸太祖之贈帝曰汝主久不降使先帝老於兵間吾豈能忘也贈何

欽定四庫全書

欽定四庫全書

三

為哉却之遂議伐金印度國主木羅夷國主來朝西域伊斯巴爾城酋長來降金復遣使來聘不受

二年庚寅春正月詔自今以前事勿問是春帝與圖類獵於鵝爾根河遂遣兵圍京兆金人來援敗之尋拔其城夏避暑於塔密爾河多果朗及金兵戰敗續命蘇布特援之秋七月帝自將南伐圖類及其子莽齋扣率師以從拔天成等堡遂渡河攻鳳翔冬十一月攻潼關藍關不克十二月拔天勝寨及韓城蒲城

三年辛卯春二月克鳳翔

按元兵克鳳翔金史哀宗紀載在四月續通鑑綱目同此

作二月

攻洛陽河中諸城克之夏五月帝避暑於九十九泉命圖類出師寶雞遣綽布干如宋假道宋人殺之

秋八月如雲中始立中書省以耶律楚材為中書令鈕祜祿珠順為左丞相鎮海為右丞相是月以高麗殺使者命薩里台率師討之取四十餘城高麗王暉遣使請降薩里台承制設官分鎮其地乃還冬十月乙酉帝國河中十二月己未拔之

按元兵拔河中續通鑑綱目載在九月此作十二月金史哀宗紀同

欽定四庫全書

欽定四庫全書

三

紀興

四年壬辰春正月戊子帝由河清縣渡河庚寅圖類渡漢江遣使來報即詔諸軍進發甲午次鄭州金防城堤控馬伯堅降即使守之丁酉次新鄭是日圖類及金師戰於鈞州之三峯大敗之戊戌帝至三峯壬寅攻鈞州克之遂下商號嵩汝陝洛許鄭陳亳潁壽睢永等州三月命蘇布特等圍南京金主遣其弟曹王額爾克入質帝還留蘇布特守河南夏四月帝出居庸避暑官山高

麗叛殺所置官吏徙居江華島秋七月遣唐慶至金諭降金殺之和議遂絕八月薩里台復征高麗中矢卒金然政完顏色埒恒山公武仙以兵援南京諸軍與戰敗之九月圖類堯帝還龍庭冬十一月獵於納喇齊拉衮之野十二月如太祖行宮

五年癸巳春正月庚申金主奔歸德戊辰金西面元帥崔立殺留守完顏納紳完顏薩尼雅布以南京降二月如托里圖夏四月蘇布特進至青城崔立以金太后王

欽定四庫全書

欽定四庫全書

三

氏后圖克坦氏及梁王從恪荆王守純等考金史傳從子崔立為亂太后立為梁王守純係宣宗子正大元年追封荆王元史誤作荆王從恪梁王從純今據改至軍中蘇布特遣送行在遂入南京六月金主奔蔡塔齊爾率師圍之詔以孔子五十一世孫元措元史作元楷續通鑑綱目及耶律楚材傳皆作元措據改襲封衍聖公秋八月獵於額伯蘇地以阿克棟阿等充宣差勘事官括中州戶得戶七十三萬餘冬十一月宋遣荆鄂都統孟珙以兵糧來助十二月諸軍與宋兵合攻蔡敗武仙於息州海沂萊薺等州

降是冬帝至阿魯烏格衮行宮敕修孔子廟及渾天儀六年甲午春正月金主傳位於宗室子承麟遂自經城破獲承麟殺之與宋分定金地界而歸金亡是春會諸王宴射於諤爾根河夏五月帝在達蘭達巴之地大會諸王百僚頒諭條令秋七月以呼圖克諾延為中州斷事官遣達海甘布征蜀是秋帝在巴爾斯達蘭達巴之地議自將伐宋國王札拉圖請行遂遣之冬獵於托卜輝罕地

欽定四庫全書

欽定四庫全書

三

七年乙未春城和琳作萬安宮遣諸王巴圖及子庫裕克姪莽齊扣征西域子庫騰征泰寧子庫春及呼圖克伐宋唐古征高麗秋九月諸王昆布哈獲宋何太尉冬十月庫春圖宋東陽拔之遂徇襄鄧入郢十一月庫騰攻石門金便宜都總帥汪世顯降按汪世顯降元續通鑑綱目載於十月與此中書省臣請契勘大明歷從之

八年丙申春二月命應州郭勝鈞州富珠哩玖珠鄧州趙祥從庫春克先鋒伐宋三月復修孔子廟及司天臺